


Adama Mickeviča Universitate Poznaņā (Pūleja)

Latvejis Universitate (Latveja)

Rēzeknes Augstškola (Latveja)

Sanktpīterburgys Vaļsts universitāte (Krīveja)



4. starptautiskā latgalistikas konference

„APDRAUDĀTŪS VOLŪDU
I KULTURU DOKUMENTĪEŠONA —
NU TRADICIONALŪS PĪROKSTU DA
DIGITALŪS RESURSU “

*Konferençe veļteita Stefanejis Uļanovskys
apceriejuma „Łotysze Inflant Polskich“ 120 godim*

Poznaņa, 2011. goda 29.–30. septembrī

Stefanejis Uļanovskys *Łotysze Inflant Polskich* (1891, 1892, 1895) ir svareiguokais 19. g. s. 2. pusis tradicionāluos latgalīšu kulturys i tuo laika latgalīšu volūdys dokumentiejums. Trejūs siejumūs skaitoms centraluos Latgolys dzeivuotuoju etnografiskys aproksts i nūzeimeigs latgalīšu folklorys vuokums. Puorsokys, tautys dzīsmis i sokomī vuordi ir raksteiti vītejā izlūksnē, tuo laika ortografejā, i tulkuoti pūļu volūdā. Dorbs reprežentej etnografiejis tradiceju, kurei apdraudātūs volūdu i kulturu līceibys paleidz izglobuot jaunom paaudzem. Itei motivaceja, taipat kai tradicionāluo datu vuokšonys, apstruodis i publiciešonys prakse nav zaudiejusi sovys aktualitatis, tok myusu dīnuos ar jaunūs tehnologeju paleidzeibu varamys i cytys dokumentiejšonys formys: filmys, teikla sātyslopys, elektroniskī korpusi, teikla vuordineicys, diski i cyti.

Storptautyskuos latgalistikys konferençis suoktys 2008. godā Sanktpīterburgā ar mierki pulcynuot vysus, kas pietej latgalīšu volūdu, literaturu i kulturu. Konferençis referati ir pamats rokstim, kurūs publice Rēzeknis Augstškolys humanitarūs zynuotņu žurnals *Via Latgalica* serejā *Latgalistikys kongresu materiali* piec storptautyskys redakcejis kolegejis atzynuma.

Iz konferençi ir aicynuoti i cytu nūzaru zynuotnīki, kab daleitīs pīredzē par konferençis temu, kas paleidzātu jū paplašynuot i padzilynuot.

Konferençis organizacejis komiteja:

Aleksejs Andronovs (Sanktpīterburgys Vaļsts universitate)

Lideja Leikuma (Latvejis Universitate)

Nicole Nau (Poznanis Adama Mickeviča Universitate)

Ilga Šuplinska (Rēzeknis Augstškola)

2011. goda konferenceis temati:

- Latgalīšu volūdys i kulturys dokumentiešona i dokumentiejuma veidi; jūs lītuojums pietnīceibā i studeju procesā;
- Cytu apdraudātūs volūdu i kulturu dokumentiejums, seviški viesturiskuos Žečpospolitys teritorejis volūdys; dokumentiešonys metodologeja;
- Stefanejis Uļanovskys dorbi;
- Cytys ar latgalīšu volūdu, literaturu voi kulturu saisteitys temys.

Konferenceis dorba volūdys: latgalīšu, latvīšu, angļu, pūļu. Referatim latgalīšu voi latvīšu volūdā prosom sagataveit informaceju angļu ci pūļu volūdā (kai prezentaceju ci izdalis materialu), referatim angļu voi pūļu volūdā — informaceju latgalīšu voi latvīšu volūdā.

Referata garums — 30 minutu, īskaitūt diskusejis.

Konferenceis daleibys moksa: 150 PLN, studentim — 75 PLN.

Naktsmītis cena universitatis vīsneicā: vīnvīteiga ustoba — 75,60 PLN, divvīteiga ustoba — 118,80 PLN (ar PVN; cenys var pasamaineit).

2011. goda konferencei organizej

Poznanis Adama Mickeviča Universitate
Volūdnīceibys instituts, Baltistikys nūdaļa

Uniwersytet im. Adama Mickiewicza w Poznaniu
Instytut Językoznawstwa, Zakład Bałtologii

Sātyslopa: <http://www.staff.amu.edu.pl/~baltolog/>

E-posta adress: baltolog@amu.edu.pl

Konferenceis koordinatore: Nicole Nau (nicole.nau@amu.edu.pl)

Pīsasaceišona

Informaceju par pīsasaceituoju (vuords, uzvuords, organizeja, posta i e-posta adress) prosom syuteit kūpā ar kūpsavylkumu (da 300 vuordu)

iz e-postu baltolog@amu.edu.pl da **2011. goda 15. maja**.

Atbilde par pīteikuma apstyprynošonu voi nūraidejumu byus izsyuteita da **2011. goda 30. maja**. Kūpsavylkumi (tezis) byus publicāti konferenceis sātys lopā.